

# LE ELEZIONI POLITICHE DEL 1890

## Poesia popolare in dialetto romagnolo

A 3/4

Appena fat la votazion  
a lo promess a mun amigh  
da de subit relazion  
a me popul con do righ.  
La votazion la fu meschina  
d'ieletor i ne andè un terz *L u*  
oramai si ni strascina  
l'istituzion e dventa un scherz; *L u*  
s'è astnud di socialista,  
i repubblican intransigent,  
i prim in cnos nissuna lista,  
i sgond in vota per stè vent.  
Donca! chi a fat la votazion?  
la facenda la è nota  
quii ch'vo qualcha protezion  
e quii chi magna la pagnota.  
Me a cred che füss zing an  
chi neva arfat i deputed  
ma ~~azzidenti che~~ malan *ad es i a fat un gran*  
i partid interessèd!..  
Chi è ste prima di tutt  
ca fat del predghi e di sermun  
per putè cavè un custrutt  
d'incantè mi mamalun *l i ?*  
le ste i gross si nost quattren, *l i*  
chià fat tenta propaganda  
a Roma, a Napoli, a Turen,  
in tutt quant l'Italia granda,  
fin chiavù soddisfazion  
d'armett e cul a Montecitorie  
con la mdaia da padron  
e con la ditta d' Chentastorie.  
Le dolz e chmand piò di confitt,  
le bon e pen con dlla muliga!  
fin la zenta chi sta zitt  
es magna ben senza fadiga!..  
Lor i dis chi na paura  
s'enca e popul e fa cias  
i vo un pater ma S. Dura  
che sta zenta in combinas!  
Che sinenta chiè divis  
dà du milla e pià partid *L u*  
in pasarà d' che poc di mis  
che per lor le robà da rid!..

Ozdè tutt i padrun *L u L u*  
si vo che dura là cucagna  
chi metta po dlla disunion  
chi prega po i partid chi ragna.  
Che sinenta, chi baruffa  
in sarà inches a cumbinè  
i borghes i chempa a uffa  
e nun as tocca tribulè.  
Ma che cazaz d' Pantaleon (1)  
se foss un ch' avess talent  
che fu sempre un gran quai.....  
la n' andarea different?...  
A ni vo miga un gran giudizio  
i vo la voia dl' avorè,  
a regoles quii ca di vizio,  
e i fanfarun no iascultè.  
Quist invece per avverserie  
i na nièch tutt i socialista  
me partid legaliterie  
i ne ten per-zenta trista.  
là paura dl' Anarchia,  
d' quii chi vo di fundament  
(che lor ii dis una pazzia)  
arfè tutt d' novament.  
I sughigna, i rid, i burla  
ma i sta sempre se suspet  
perchè i sa che quii ca n' urla  
i da sfog me su pruget.  
E d' che chen che sta nascot  
ingrugnid a tun canton  
che sia pò in qualunque post.  
la paura encha e padron.  
Ech perchè ià fat leenza  
si Prussien e si Gambein  
per na bona circostenza  
ic fa mett i manizzen. *L i*  
Guerda mo che coerenza  
a fes amigh con cla zentaza!..  
An fu lor i la a Vizenza  
chiv tirè si sciopp tla faza?!..  
A ne ste lor i qua da nun  
che poc dop de quarentot

(1) popolo.

i mandò a fucilazion.  
Chi appuzzeva d' patriot?...  
Donca Crispi l' ha fat mel  
a compromett e su onor?!...  
un magna pret, un liberel  
le d' vent e pag dl' Imperator?!...  
L' è per quest sanguo de boia  
quand im porta cla pagela  
da votè, sai n' ho enca voia  
lam fa vni la tremarela.  
Perchè a digh a tla mi ment  
le sigur già ca faz mel,  
i n' è andè tent in parlament  
ie stè quasi tutt eguel!?...  
E da quest a mne so incort  
che quii ch' adota l' astension  
se qualdun chii vo de tort  
d' una perta ia rason! *La*  
Una cosa a voi d' mandè!  
ma qualunque zittadein  
che sostein d' andè a votè  
fin che tira ste garbein?!...  
Riteniv che un operai  
se con lor e fa speranza  
che finissa d' fe i sbadai  
e che possa ampì la penza?...  
Me a la vegh diversament;  
sperand at lor quel che povrett  
se per sbadiè e mostreva i dent  
dop e mostra e cauzalett.  
Vliv chei sia fundament  
chi possa fè pla nosta clasa  
dov chiè i là quattre o zingzent  
vent di nost in tutt la masa?...  
E pu sarai dla bona zenta?  
del promessi chi s' arcorda?  
tent e tent iè andè i là drenta *La*  
ià finì d' magnes la corda!...  
Am dari de pessimista!...  
dla persona esagereda!...  
ma i na fat i trasformista  
per voltela sta fritteda!?  
Chi voliv ormai chii creda?  
a ferem comè S. Tmas  
che tla zenta per vei feda

bisogneva chei toccas.  
De rest pu iè tent partid  
che ognun ià la su scola  
me can so tent istruid  
a iò pensè d' no fe parola.  
Che sa emez a ragionè  
l' ignorenza la m' abbonda  
a trov di scoi da superè  
la mi testa la ni sfonda.  
Senza fem più compati  
con d' ieror e di sfundun  
sol na cosa me a voi di  
cla riguerda sol ma nun;  
am' intend ma ioperai  
quii chi sofra e chi fadiga  
si vo scapè da tutt i guai  
chi manda a mont qualunque briga;  
Chis unessa tutt insen *La*  
e tra d' lor chi faza un pat,  
artist brazent e contaden, *La*  
che e lavor quand i la fat  
che sia paghed per quel che vèl  
sgond che costa e necesserie,  
e quel ca menca da no fel  
chil caza via e temererie  
da qualunque società  
come la volpa de puler';  
e se quest un di es farà  
a vidri che i vost affer  
i v' andarà discretament;  
a farì d' mench di deputed  
de Minister de parlament,  
sarà quest un ritroved  
da mandei tutt a l' Inferne *La*  
i deputed e su governe.  
Termined l' è la mi storia  
sav fus pas dalla memoria  
da vle spend un baiochett  
mitì al men a te curpet,  
me av darò una poesia  
ringraziand la cortesia.

GIUST. VILLA

(Proprietà letteraria)

*Il libro è di proprietà di A. Cras...*  
*invece non può essere il capo...*  
*di non essere il capo...*